

**ELTTHI NAUDELDTHED GHILE NISI  
NAUNELYEI GHA TOHNLU NILTTHI  
GHA ACT GHOLIḤ**

---

**GHAIYEH DONELDTU GHOGHAḤ EDITLIS GHOTLEI EYI  
SḤ DIDI**

**NEDIDI EDITLIS THELDTZḤ EYI  
TZAMBA K'ODHEDE MANITOBA GHOKEYAGHA GHODTZḤ**

**SEPTEMBER SAH 2019 EKUGHU**



## **Dta Ghonadtthe Deldtthi Ghoghą Editlisi Eyi: Nedjah Manitoba Ghokeyagha Eldtthi Naulyei Bazih Tõhnu Ghą Dta Naudeldtthedi**

Manitoba ghokeyagha ghodtz̄h Tzamba K'odhede bineh s̄jh nedidi ghehl ghu d̄jhn s̄jh didi Eltthi Ghilei Naudeldtthedi Nisi Gha Tõhnu Gheniltthi ghą editlis gholj̄h. Dughų dta ghoghą editlis gholih eyi Truth chu Reconciliation Commission Canada keyagha ghodtz̄j (TRC) 94 neldtei asi ghuhlele didi segholyeh ghadeh dadi, eyi dta ghuhdtzi yanagha sekwi ghadauneltahn nisi residential schools alnih eyi naudtluh ghehl tthi nedj̄a Canada keyagha reconciliation sni tthi eghąh naudei wutleh dadi. Manitoba bedtz̄j government eyi nake asi ghą naudei ghedtzedi nisi " Legacies chu Reconciliation" chu dtau TRC nadezj̄h yegha yailti nisi ekughu, eyed ghu dughulyei editlis k'e yadti niniąh njh, *Eltthi ghonidhen ghu eldtthili naudeldtthedi nisi eltthi dedthen gha yanathe ghoba gheni: Nedidi ke keghasi editlis gholi eyi dtagh ghodih nisi begah edetlisi eyi Truth and Reconciliation Commission Canada keyagha ghodtzi yedighitlisi eyi aeh.*

Dtatthe ghoghą edetlisi eyi nedj̄ah Manitoba keyagha dtandtu nedidi bazj̄h dta gholtz̄j si eyi April 1, 2018 ghodtz̄j March 31, 2019 ghodtzen, belaghąh dtzen eyi ghodtthe dta ghoghąh yaitih nighile ini tthi kunadedi ghehl tthi dta ąhtlo ghokenadtzedei tthi ghą edighitlis s̄jh. Ghaiye duneldtu Manitoba bedtz̄j government naghi asi bazj̄ asi ghotle ghulthen s̄jh nedidi Truth chu Reconciliation Commission of Canada dtandtu yadti ninila nisi bazj̄h, dtauneh dadi nisi kesj̄h. Eyi ghobazj̄h s̄j didi editlis gholj̄h dtandtu dtaghodi nisi basj̄ dtadadjau eghadalaghana si ghą.

Legacies dadi bazj̄ dtauneh sni nisi kesj̄h Manitoba bedtz̄j government dudadjau yebazj̄ gholdtz̄js elketchaudi nisi gha dta tthei dene chu eyili nedj̄a Manitoba keyagha nedeh nisi chu ghą. Dtandtu eghena ghu kodhedi ghegąh ghu kaghohdeh ghu tzamba gholeh ghu ghayodighilai editlis kuwe ghotla ghu dadeghelna nisi eyi andtedi bazj̄h. Dtandtu beghalaghetidąl eyi dta asi bazj̄h eghadalaghanai dąlj̄h eyi daudighilked ghidtah dtau k'e bedatagha ghola si tthi danighilj̄h, sekwi bek'eghoni bazj̄h ghu, dene ghaunelteghni bazj̄h ghu, dene yatiyeh ghu, dene tchaniyeh ghu , dene ghenakanelnih bazj̄h ghu ghehl tthi dtandtu dene nanedtehn ghu eldtthi kesj̄h asi k'enedadeh gha bazj̄h asi gha dayailtih.

Dta eltthili naudeldtthedi nisi na dtaghoneh gha sni eyi ghą dtoghodis dtandtu ghoghą eghaladai eldtzen suwa ghunidhen ghu ąhtla eldtainithidta ghu eghalaghadai ghunidhen ghel tthi ahtla nughulta ghu elkesj̄ etlenaghiltzed kesj̄ nuk'aunedta gha ahtla sni dtatthei dene chu dta dene k'esj̄ ghultaili chu adtzedis. Manitoba bedtz̄j government eyi eldtthi ąhtla asi ghughultzi sni bazj̄h TRC dtandtu ghoghąh yadti niniąh nisi kesj̄h yebazj̄ eghadalaghanas dtak'e losi government k'eyagha ghodtzi.

Yanathe ghok'aunedta de Manitoba bedtzj government dtandtu nedidi eltthi asi ghutle sni k'esi ghogha dtahtthe kesjh chu bedtazj asi ghotlei gha kesi yeba dtzetagha senuniqhs. Nuhni nuhtzjh government bebazj ghainidtlehdh ghehl tthi dtatthei dene bel qhtla eyi k'ane asi gha senughundtai kesjh bedtazjh gha dtzedtagha dtandtu suwa ghili kayaghilti nedja province keyagha gho gha.

## Yaneghe ghodtzjh

June sa k'e 2 ultai 2015 ghu Truth chu Reconciliation chu Commission Canada k'eyagha ghodtzi (TRC tthi kesj bekaunedtai) eyi eyed ekughu bedtzj editlis theltzjh ghedighini nis du ghulyei *Eldtthi k'aunedtah ghodta yanathe ghoba senughundtai gha : K'eghazih ghogha editlis gholih Truth chu Reconciliation chu gha Commission Canada* k'eyagha ghodtzi eyi ghaiye ghu 94 neldtei asi ghuhzi ghotleh gha government chu yalti kuwe dahli chu ditlis kuwe ghadadehlai dāli chu nedjā Canada k'eyagha nadadei chu beba. Eyī TRC December sa k'e 15 ultai ghu 2015 ekughu yedighini ni sjh nadezjh eyi ghā edighitlisi.

March sa 2016 ekughu nedjā Manitoba ghodtzi government eldtthi bazj gha senughudtai gha tōhlu gheah gholye gha Act theltzi , detthiyeh negai gheh sni kughoneh gha nughundtāh nis Manitoba kodhedi nethe bedtzjh editlis kuwe Legislature ghulyei yisj. Eyī act gholj̄h k'e dtauneh gha si detlis ghulya nisj eldtthi naudeldtthed ghileh nisi gha sunughundtei gha TRC dtaudjai dta seghulya ghili dighintlis nisi ghadeh, eyi ghehl tthi United Nations Declaration on the Rights of Indigenous Peoples (UNDRIP tthi k'esj bekaunedtai ) tthi bekaunedtai dta kondtu yadti nilya ni eyi ghā.

Nuhni dtandtu benididi gha ghu reconciliation sni eyi dtandtu eldtainithidta ghu āhtla dta tthei dene chu eyili dene chu eldtzididi kesj̄h suwa etlenildhen ghu yanisi ghodtzi tlemasi ditlis thiltzj̄ nisi bek'aniltai ghehl tthi dene ghenakanelni ghehl dtaudta nugha duwe nisi nilj̄h ghu tthi dtandtu etleghildte kesj̄ etlenaghildtzed ghu detthiyeh nuhk'aunedta ghu ghidehl gha adtzedi. Nuhtzj̄ government ghoghadeh ghedel gha yadti ninila adi ghu didi bek'anughulta dadi nisi eyi didi alni sj̄ eldtainudedta ghu, āhtla eghalaghuda ghu , etlenididi ghehl āhtla ghughultzi dadi nisi nedidi yadti kesj̄h:

**Respect sni de:** Eldtthi naulye sni eyi bazj̄ de dtatthei dene ghadadelai bedtainiduah ghudtthi bedene tthi kughulthi sni ah ghodi. Eldtainuduhdtah sni benuduhni ghudtthi bek'aunedtah ghuhtle yanisi dtatthei dene dtandtu ghudehl nisi chu beyadtiyeh dta dadtj̄h chu bedtchaniyeh chu dtandtu asi kenadeh ghudtthi asi gholdtzi nisi dadeghehlna ghogha eyi ghodta eyi dtthi ghulta gha dtandtu dtzedelih ditliseh k'e nilyei dta nadtzed gha.

**Engagement:** Eyī eldtthi naulyei bazih de didi yadti eyi bedtazj̄h dtatthei dene ghadelai chu bedene chu bedtazj̄ ghughulāh sj̄ eldtthi naulyei sni.

**Understanding Etlendididi:** Eldtthi naulye sni bek'e ghoni gha de yeneghe nidha ghoyaze ghodtzj dughu ghodtzen dtandtu etlkekanilta ghu ahtla nughudighilq̄h nisi tthi kodilya dezq̄hs dtatthei dene chu eyili dene chu , eyi ghehl tthi yanathe ghunilq̄h ghu ghoba nidthen ghu asi k'e naide dezq̄hs nuhni dtatthei dene ghadelai ghidlj̄ chu bedene chu.

**Action sni Dta ghultzi ghaj bazjh naidei gha adtzedis:** Eyi eldtthi dedthen naulye sni bazi asi ghodeyedi ghehl tthi ghodtazj̄ asi suwai gholj̄h ghili de adtzedi bedta dughu chu yanathe chu bedta suwau ahtla eltzedighidhen ahtla asi ghuldtzi ghu dezq̄hs dtadtthei dene chu eyi ghili dene chu ahtla.

Manitoba eyi dta ghughuldtzi dadi eyi eldtthi naulye sni bazj̄ ghoteghe ghonelq̄h s̄j̄ yanisi dtaudta duwe naudeldthed ini, sekwi yanagha ghadauneltegħn ka naghalyi nighile ini ekughu ghoghq̄ seghulye dadi ni eldtzighidi dta dtatthei dene chu eyi ghili dene chu nedja Manitoba keyagha. TRC ghoghalaghanai ghehl tthi dta ekughu ghodtzi dene daghana nisi tthi ghoghadanidtleđh ghu ghoghq̄h dagholni ghodtah didi bazj̄ ghoghalaghada ghedja n̄j̄ ah ehs. Eldtthi naulye sni bazj̄ thagha ghodtzi ghoghadalaghana si Manitoba, eyi yeneghe ghodtzi dtandtu government k'eyagha ghodtzi seghulya ghili tthi ghel tthi dtatthei dene ghadelai chu Tanidtzeni dene chu dtatthei dene bedtzj̄ kuwe daalj̄ chu ghel eghadalaghanai chu dtatthei dene ghadelai bedtzi editlis kuwe daali chu bedtzi government chu tthi kudadelyaq̄l ghade.

Tq̄hlu nindtthi eldtthi haulye sni bazj̄ Act gholj̄h ini eyi begħayindtj̄h landteh ghu dtzeh begħalada gha adtzedi ultai ghadeh bughedi ghu dtandtu ghuildtzai ghili kezj̄h Manitoba bedtzj̄h government yenaghilnai gha, dtandtu dtatthei dene ghadelai daalj̄h chu bedene chu tthi ghel eghalaghada si tthi ghuwedi gha. Nedidi la kodhedi nethe nindtq̄h ghulai eyi Manitoba k'eyagha dtatthei dene ghudtthi yadttheghe ghodtzi nughelodtine chu ghaiyeh duneldtu ghoghq̄ gholni gha eldtthi naulye sni bazi yadtih chu la chu ghotleh desi ghq̄. Eyi editlis ghotleh desi eyi q̄htla eghalaghada budedtj̄hs, Manitoba bedtzj̄ government ghu, dtatthei dene bedtzi kuwe ghodtzj̄h ghu, dtauke bedtzj̄h editlis kuwe ghulai chu, eyili tthi asi dene daalj̄h chu, tzamba ghotlei ghaghilei la k'e daghotlai chu dedtthiye q̄htla eghadalaghada ghudedtj̄hs eldtthi naulyei sni yadti nindtai bazj̄h nedja Manitoba k'eyagha. TRC dtadadi gha ghu q̄htla asi ghughuldtzi dta dezq̄ yanisi dta eldtthi naudeldthed ghile nisi eldtthi nautle gha duwe gha dadi, naudjeh dezq̄ kundtu q̄htla eldtthi duhdthen gha dadi ni.

## Nedidi dta ghodi ghu yadti nilyai għa

Nedidi editlis k'e Indigenous nations (dattthei dene ghadelai) sni chu indigenous peoples (dattthei dene) sni eyi dedtthiyeh dene dtahtthe ghodtzjh desjkethe North America nih k'e budelajh nisi chu belodtineh chu adtzedi sj, didi dene ghel: Dattthei dene ghu, Tanidtzeni dene chu Teghna chu dta dene dtzj ahne dene daalj, dene dtzj dene daalj kulu didi taghni ghudtzi dtzj ahne dene daalj ghili tthi adtzedi sjh. Didi Indigenous sni jai eyi Aboriginal sni nighilei ini naghandtjagh aes, kulu naghi editlis ghada k'e ahtlq kondtu ghulta dtes, 'Aboriginal' dadi ghu yuzi dte. Dattthei dene ghadelai didi ghudtthi dattthei dene didi ghundteh kulu eyi yanisi ghodtzi dtandtu dadeghelna dta ghudeli tthi bekaunedtah ghudtthi, beyadtiyeh chu, bedtchneyeh chu dtandtu benjh dta bedaeyineh chu degai bazjh dtandtu asi kadaneltah nisi chu tthi bekaunedta.

Nedidi yadtih Aboriginal sni eyi beghade dtzdehli ditlis k'e bekaunedtah, dtandtu dattthei dene daalj dta asi bedtzen ghultah si bekaunedtai dta Constitution Act 1982 ke. Kodhedi Nethe bedtzj editlis nethe nedja Canada k'eyagha constitution ghulyei k'e didi taghni dene ghadelai Aboriginal peoples daali sni sj: Indians (dughu de First Nations sni), Metis chu Inuit adtzedi eyi editlis nethe k'e. Nedidi taghi dene ghudtzih yanisi ghodtzi beghoniyeh chu bedtchneyeh chu dtandtu asi k'adaneltah nisi bedaeyineh daalj chu bazjh għa eyi dtthi bekaunedtahs.

**First Nations sni de didi dene adtzedis:** Dattthei dene sqlaghi tzamba bedtzen ghultai chu eyili chu adtzedi Canada k'eyagha nadei, Tanidtzeni ghelijh ghile ghudtthi Teghna tthi ghili ghilei. Didi dtandtu ghudtzi ghedja ni eyi dtaghodtjh dta aes 1970 ekughegħa ghodtzjh ttheodtine yadtiye dta Indian sni naghandtjagh niagh, nani dene eldtthi ghodih ghileh ghudtthi ttheodtine suwau nuhkanelta ghile nighile ini ekughuh ghodtzi tthi ghel ah, eyi ghehl tthi Indian Act ghulyei tzamba kodhede editlis theltzj kesjh tthi tthi nughughedi ghulya ni tthi ditlis kundtu bek'aunedta.

**Metis sni:** Section 35 ghade dtandtu asi nuhtzen ghultai bazjh de, nedidi dene eyi tthi theni landtes, belodtineh ey dattthei dene dtzi ahne ghel tthi yanasjk'edhe nene k'e ghodtzj ghidta eltah dene daalj edini tthi theni bedtchaniye tthi ghuljh ghel tthi dadeghelna ghedja niagh dattthei dene ghel ghile ghudtthi yanasjkedhe dene tthi ghel ghilei dadeghelna ghula nisi ghodta. Tanidtzeni bedtzi kuwe gholai eyi etladuni landteh dtandtu budelai, dtak'e nadadei ghu dadeghelna.

**Inuit sni de:** Dattthei dene daalj yadtthegħe Canada keyagħa nadei nani Nunavut nadeh ghu, nani tthi Northwest Territories tthi nadeh ghu, nani tthi Quebec nadadeh yadtthegħe dtzen, nani tthi Labrador k'e nadeh yadtthegħe dtzen. Beyadtiyeh eyi Inuktitut dadi, jhtlajh tegħna de Inuk dadi.